



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Specvlvm Ivventvtis, Sive Insigniores Pveritiæ Atqve  
Adolescentiae Sanctorvm**

**Bosendorf, Hermann**

**Monasterii VVestphalorvm, 1615**

Aichardus Abbas 15. Septemb.

**urn:nbn:de:hbz:466:1-42900**

percipiendam æternę iucunditatis coronam,  
quia fidem seruavit. Moxq; aduolantes iij qui  
in domo erāt sanctam illam animā corporeis  
solutam vinculis ad celos migrasse inueniunt.

**PVERITIA S. AICHARDI ABBATIS GI-  
mesiensis 15. Sept. Sur. Tom. 5.**

**S**Anctus Aichardus Anschario & Ermena  
natus, mox vt primos intelligentiae annos at-  
tigit tam multiplici coepit virtutum omnium  
emicare splendore, vt parentes haud exiguam  
in eo summe virtutis spem collocarent. Inter-  
ea cum pater artis militaris laude celebri-  
mus, filium perinde militaribus vellet assue-  
scere negotijs, obstabat mater, natum suum  
dicitans, in magno partus discrimine, diui-  
no cultui à se ex voto destinatum. Cum ve-  
ro pater votum isthac pertinaci contentione  
improbaret, velletque modis omnibus filium  
ad summos militiae honores prouectum, ecce  
Aichardus ad dirimendam litem medius in-  
teruenit, dixitque : nulla se rerum mortaliūm  
ambitione teneri, neve vlla inanis militiae  
pompa delectari. Christi vero se militem esse  
decreuisse, ab huius se militia nō nisi sola mor-  
te auulsum iri. Erat eo tēpore in finitimare-  
gione vir prudentiae & honestatis opinione  
in primis celebris : cui principes & magnates  
filios suos disciplinis optimis imbuendos cō-  
mittebant. Multi enim ex eius disciplina mor-  
ibus

ribus & eruditione præstantissimi prodibant:  
quorum deinde virtutes in Ecclesia cum in-  
genti omnium admiratione claruerunt. Hu-  
ius igitur fama excitatus optimæ indolis & ge-  
nerosi animi puer, illicè eum adjit, & parenti-  
bus nequaquam inuitis in eius sese discipli-  
nam tradidit. Qui cum gratanter recipiens,  
primum diuinæ pñalmodiæ iussit prægustare  
dulcedinem, quam mira celeritate addidicit,  
ac deinde breui tempore in omni genere sacre  
disciplinæ adeo cœpit excellere, vt cunctos  
nō solum præiret scientia, sed virtutum etiam  
laude superaret. Et quamuis decem videretur  
annorum, iejunij tamen obseruans, patientia  
fortis, humilitate fundatùs, ac cæterarum vir-  
tum gratia decenter fuit ornatus. Interea subit  
animum cogitatio, vt à tumultu saceruli redu-  
ctior, qui secretū amantibus per molestus est,  
in arcem contemplationis euaderet. Hæc illi  
cogitanti auditus est locus celeberrimus, cui  
nomen Ansionis, in quo ingens monachorum  
numerus sub regularis viræ disciplina piè ad-  
modum Deo militabat. Isthuc ille iā duoden-  
nis, sumpta prius à magistro licentia, & paren-  
tibus salutatis, qui eum summopere ab ea in-  
tentione reuocare conabantur, contendebat.  
Quibus cum ille nulla ratione persuadere pos-  
set, vt paterentur ipsum Deo seruire, cui suo  
æque ac materno voto esset obstrictus, illis in-  
uitis ad locum memoratum abcessit. Vbi be-  
nevolè ac reuerenter à fratribus monasterij

Cc 4

Iusce-

Ieiunium.

Patientia.

Humilitas.

suscep<sup>tus</sup>, & coma capitis de more deposita,  
 suave Christi iugum cōstante nō minus quam  
 ardente animo amplexus est. Suscep<sup>tus</sup> itaque  
 intra caulas Dominici gregis agnus innocēs,  
 memoranda de se humilitatis, obedientiæ atq;  
 patientiæ exempla cunctis exhibuit. Nec vero  
 diu sub modio suam Christus lucernam sicut  
 delitescere, sed miraculorum laude propalam  
 illustravit. Cęci enim, claudi & varia clade de-  
 pressi monitis angelicis ad eum ire iubeban-  
 tur, & quocunq; morbi genere tenebantur ce-  
 lerem reportabant salutem. Quam ille præ-  
 clarè factorum gloriam à notitia hominum,  
 ni facultas defuisset, studiosè oculuisset: sed  
 magnalia Christi per vicos & plateas vox pu-  
 blica personabat, quæ in aduentu Aichardi  
 præsentem regionem à Deo visitatam esse af-  
 serebat. Iam viginti annos venerandus adole-  
 scens impleuerat, cum die quodam à fratribus  
 ad opus obedientiæ missus, longius à mona-  
 stero digreditur, psalmodiæ cursum ex more  
 solus decantans: & ecce repente vox cęlitus ad  
 aures eius demissa insonuit: Ibunt de virtute  
 in virtutem. Ea vox ut summo illi gaudio fu-  
 it, ita acriores multo stimulos addidit ad sum-  
 mum virtutis culmen viriliter conscenden-  
 dum. Itaque arctioribus in dies ieiunijs & vi-  
 Arctius vi. gilijs carnem domare, præsentis vitæ curas pe-  
 & genus ag nitus negligere; assidua mente & cogitatione  
 reditur. cælestibus inhærere; charitatis opera inde-  
 fessè sectari: deniq; nihil non moliri, ut suam  
 alio-

De S. Aichario 15. Septemb.

422

aliorumq; salutem in tuto collocaret. Hinc  
pia illa in primis sollicitudo, quomodo paren-  
tem diuitijs inclytum & delicijs a fluetum, ad  
strictioris vitæ viam alliceret, suaderetque ut  
opes & possessiones amplissimas ad vnius Dei  
cultum transferret. Nec mora: Fusis ritè ad  
Deum precibus, fiduciaque rei bene gerendæ  
plenus patrem aggreditur, & multis verbis  
grauissimaq; oratione permouet, vt ex hære-  
ditarijs bonis Ecclesiam Deo construat. An-  
nuit benignè pater, eiq; non modo ingentem  
auri & argenti vim, sed & vicum Quintianum  
cum possessionibus amplissimis tribuit, vt in  
eo sacram ædem excitaret. Vbi ille tandem  
oratorio Virgini Matri sacro, ac monasterio  
constructo, multos Christianæ militiæ athle-  
tas sanè egregios sub signis collegit, tantaque  
dexteritate & gratia disciplinam instituit, vt  
passim omnes in sui admirationem pertrahe-  
ret. Tandemq; nongentorum monachorum  
prefectus contubernio, cum maiorem horum  
partem beatissimo exitu vna die præcedere  
conspexisset, in lectulum cilicio stratum se  
collegit, & eleuatis in cælum oculis, ad beatæ  
immortalitatis præmia est subsecutus.

PVERITIAS. LAMBERTI EPISCO-  
pi Tungrensis & Martyris 17. Sept.

Sur. Tom. 5.

**D**Lambertus, insigni prosapia in oppido  
Traiectensi oriundus patrem habuit  
Cc 5 Aprum